

NZERU
YOTHANDIZA
KUKHALA MOYO
WOLUNGAMA





“Tiphunzitseni
kuwerenga masiku
athu molondola,
kuti tikhale ndi mtima
wanzeru.” (Masalimo 90:12)



Timakonda kuganiza kuti kukhala wanzeru kumatanthauza kukhala ndi chidziwitso chochuluka mu zinthu za dziko lapansi monga sayansi, ndi zina zotero.



Munthu amene amadziwa zimenezi timamutchula kuti ndi “wanzeru” koma nzeru zimaposa zimenezi. Zimaphatikizirapo kugwiritsira ntchito molondola chidziwitso chonse chomwe chapezedwa (kaya chochepa kapena chambiri).

Kodi ganizo la mu Baibulo la nzeru ndi chiyani?

Tingaphunzire bwanji nzeru imeneyi?

Kodi tingagwiritse ntchito bwanji mu moyo wathu watsiku ndi tsiku?

Kodi timapindula motani pamene tichita zinthu mogwirizana ndi nzeru za mu Baibulo?



► Nzeru ya m'malamulo (Masalimo 119).

► Chiyambi cha nzeru (Masalimo 90).

► Nzeru m'mayesero (Masalimo 95, 81 and 105).

► Nzeru mu zochitika:

► Njira yokachita zoipa (Masalimo 141).

► Madalitso pakuchita zabwino (Masalimo 1, 112 and 128).

NZERU YA M'MALAMULO

"Ndasunga mawu anu mu mtima mwanga kuti ndisakuchimwireni" (Masalimo 119:11)



Mutu waukulu wa Salimo 119 ndi malamulo a Mulungu olembedwa mu Mawu Ake.

Mofanana ndi malo ena ambiri mu Baibulo, Salimo imeneyi ikuyerekezera moyo ngati njira imene munthu aliyense amayendamo. Njira imeneyi ingakutsogolereni ku moyo wosatha, kapena kuchiwonongeko chamuyaya. Kodi mungasankhe bwanji njira yoyenera?



Mawu amaunikira njira yoyenera (Masalimo 119:105); amaiyeretsa (Masalimo 119:9); amatsogolera mapazi athu (Masalimo 119:133); ndipo amatiteteza ku zoopsa za njira yoipa (Masalimo . 119:101).

Kukhala motsatira Mawu kumatanthauza kusunga malamulo a Mulungu (Masalimo 119:4). Tilibe kuthekera kochita izi mwa ife tokha, koma timatsimikiziridwa kuti pakusinkhasinkha mau ake mothandizidwa ndi Mulungu, tidzatha kupeza nzeru zambiri ndipo tidzapezano nzeru za momwe tingasungire malamulo Ake ndi kutetezedwa (Masalimo 119:5) -6).

Kusunga malamulo sikudzionera kunja kokha, koma zimatanthauza khalidwa losinthika mu maganizo ndi mtima (Masalimo 119:7, 148).



CHIYAMBI CHA NZERU

“Tiphunzitseni kuwerenga masiku athu molondola, kuti tikhale ndi mtima wanzeru” (Masalimo 90:12)

Timakhala ndi moyo kwa kanthawi kochepa, imene poyerekeza ndi umuyaya wa Mlengi, uli ngati mpweya chabe (Masalimo 90:2, 4, 9).

Munthawi yochepayi, timakhala mu uchimo, pansi pa mkwiyo wa Mulungu (Masalimo 90:8-11). Koma Mulungu amatambasulira chisomo chake kwa ife, ndipo amatidzadza ndi chifundo chake (Masalimo 90:13-14).




Pamene tilola kuphunzitsidwa ndi Mulungu, timaphunzira ‘kuwerenga masiku athu’. Pakuchita izi timapeza nzeru zenizeni, ndi kusandulika kukhala chifaniziro cha Mlengi wathu, amene timaphunzira kumuopa ndi kumulemekeza (Masalimo 90:12, 16; 111:10).

Nzeru zomwe timapeza koyamba zimatitsogolera kukulapa kenako kumachita zomwe Mulungu amafuna kuti tizichita (Masalimo 90:3, 17).

NZERU M'MAYESERO

"Pa mavuto anu munayitana ndipo ndinakulanditsani, ndinakuyankhani kuchokera m'mitambo ya mabingu; ndinakuyesani pa madzi a ku Meriba" (Masalimo 81:7)


KUKUMANA NDI MAYESERO POPANDA NZERU



Ku Meriba , Israeli anaye Mulungu: "kodi pakati pathu pali Yehova kapena Palibe?" (Eksodo 17:7). Koma, kumbali ya Mulungu iye ndi amane anawayesa alsraeli (Masalimo 81:7).

Israeli sanapambane mayesero amenewa, koma anaumitsa khosi ndikukakamirabe kupanduka, chifukwa chomwe anayenera kulangidwa (Masalimo 95:8-11). Ngakhale zinali choncho Mulungu anawapatsa madzi omwe ankapempha (Masalimo 17:5-6). Koma, akadakhala a nzeru, akadapambana mayeso. Ndipo, Mulungu akanatha kuchita nawo zodabwitsa zazikulu(Masalimo 81:13-16).

KUKUMANA NDI MAYESERO NDI NZERU



Yosefe anaikidwa m'ndende, ananyozedwa komanso kuzunzidwa. Koma anali atapanga chisankho cha nzeru: kutumikira Mulungu mosasamala kanthu za zotsatira zake (Masalimo 105:16-18; Genesis 39:7-9).

Pamene adapambana mayeso, Mulungu adamukweza(Masalimo 105:19-21). Nzeru zake zinali zoonekeratu moti Farao anamutuma kuti aziphunzitsa akulu ake nzeru zimene Mulungu anam'patsa (Masalimo105:22). Kudzera mwa Yosefe, Mulungu anapereka moyo ku banja lonse la Israeli (Masalimo 105:23).

NZERU MU ZOCHITIKA

NJIRA YOKACHITA ZOIPA

“Musalole kuti mtima wanga ukokedwere ku zoyipa; kuchita ntchito zonyansa pamodzi ndi anthu amene amachita zoyipa; musalole kuti ndidye nawo zokoma zawo” (Masalimo 141:4)

Salimo 141 ndi pemphero lopempha Mulungu kuti atipulumutse ku mayesero amkati komanso akunja (Masalimo 141:1-3, 9-10). Kudzera mu mphamvu zathu, sitingathe kugonjetsa mayesero, chifukwa mitima yathu imafuna uchimo. Tiyenera kupemphera mosalekeza kuti tithe kukana mayesero.

Salimo 141:4 ndi 1:1 limatisonyeza mmene mayesero amayendera:

1) Mtima umakopeka ndi zoipa

“Musalole kuti mtima wanga ukokedwere ku zoyipa.”

“Odala munthu amene satsatira uphungu wa anthu ochimwa.”

2) Munthu amachimwa


“kuchita ntchito zonyansa pamodzi ndi anthu amene amachita zoyipa”

“kapena kuyima m’njira ya anthu oyipa”

3) Amakondwera ndi zoipa

“musalole kuti ndidye nawo zokoma zawo”


“kukhala m’magulu a anthu onyoza.”



Masalimo akufotokoza mmene mayesero amayambira, kupita chitsogolo, kunyengerera ndi kukakamir. Kudalira Yehova kotheratu ndi kokhako komwe kungatsimikizire chipambano chathu (Masalimo 141:8-10). Koma, chigonjetso chomaliza cha uchimo chidzachitika m’tsogolo (Masalimo 1:5-6).

MADALITSO PAKUCHITA ZABWINO

"Ameneyu ndiye munthu wodalitsidwa amene amaopa Yehova" (Masalimo 128:4)



Ntchito yaikulu ya nzeru ndiyo kuchita zinthu moyenerera, mogwirizana ndi chifuniro cha Mulungu. Ndi madalitso otani amene tidzalandira tikamachita zimenezi?

**Tidzakhala
odalitsidwa
(Masalimo. 1:1;
112:1; 128:1)**

**Ntchito zathu
zidzapambana
(Masalimo 1:3;
128:2)**

**Ana zathu zidzakhala
za mphamu
(Masalimo 112:2;
128:3)**

**Tidzalandira zinthu
zabwino ndi chuma
(Masalimo 112:3)**

**Tidzayenda
m'kuunika kwa
Mulungu
(Masalimo 112:4)**

**Tidzayendetsa
zinthu zathu
bwino
(Masalimo 112:5)**

**Sitidzaterereka, ndipo
tidzakumbukiridwa
(Masalimo 112:6)**

**Sitidzaopa
tikamva zoypa
(Masalimo
112:7)**

**Tidzagonjetsa adani
athu (Masalimo
112:8)**

**Tidzakwezedwa
mu ulemerero
(Masalimo
112:9)**

Mkangano omwe ulipo pakati pa zabwino ndi zoipa, nthawi zina umatilepheretsa kusangalala ndi madalitso onsewa, kapena kungotha kusangalala ndi ochepa mwa iwo. Koma, nthawi idzafika pamene tidzadalitsidwa mokwanira, mu Ufumu wa Mulungu.



©STEVE CREITZ - PROPHECYART.COM

**“Ndikaganiza za ntchito imene Mulungu
akuchitira munthu wakugwa, ndimakhala odabwa
kuti Mulungu adzatenga anthu osauka, akugwa
ndikuwabweretsera iwo mphamvu zamakhalidwe
abwino, kuti adzathandizire pa ntchito za
chisomo chake, kusintha makhaldwe ndi
kupanga anthu akhale oyenera kukakhala malo
amene Mulungu akuwakonzer —zolengedwa
zoyenerera pamaso pa Mulungu, zoyenerera
kukhala mofanana ndi angelo, ndi kukhala mu
chiyanjano ndi Mulungu. O, mtima wanga
ukulakalaka kukakhala mmodzi wa omwe
adzayenda ndi Yesu Khristu mu dziko latsopano!”**